



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u otvorenom postupku za restauraciju velike scene Bosanskog narodnog pozorišta Zenica, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za restauraciju velike scene Bosanskog narodnog pozorišta Zenica, iz razloga što je jedina zaprimljena ponuda odbačena, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-7735/25 od 28.03.2025. godine. Obavještenje o nabavci broj: 1355-1-3-35-3-84/25 objavljeno je na Portalu javnih nabavki dana 03.04.2025. godine.

Procijenjena vrijednost za predmetnu nabavku iznosila je 267.500,00 KM bez PDV-a.

U krajnjem roku za dostavu ponuda, Ugovorni organ zaprimio je samo jednu ponudu ponuđača „ALU WOOD INŽINJERING“ d.o.o. Maglaj koja je odbačena iz sljedećih razloga:

Tenderskom dokumentacijom, tačkom 3.3. traženo je od ponuđača da je tehnički i profesionalno sposoban za realizaciju predmetnog ugovora i to:

I. Uspješno iskustvo, u realizaciji jednog ili više ugovora čiji je karakter i kompleksnost isti ili slični onima koje se odnose na predmetnu nabavku u predhodnih 5 (pet) godina, čija kumulativna vrijednost mora biti jednaka ili veća od procijenjene vrijednosti nabavke.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

U svrhu dokazivanja tehničke i profesionalne sposobnosti ponuđač je dužan dostaviti:

I spisak izvršenih ugovora, izdat od strane ponuđača, u skladu s članom 48. stav (2) ovog zakona, a koji su u vezi s predmetnom nabavkom, za period ne duži od 5 (pet) godina ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od pet godina, sa potvrđama o uredno izvedenim radovima.

Potvrda o uredno izvedenim radovima, original ili ovjerena kopija, izdata od naručioca radova, mora sadržavati slijedeće podatke:

- Naziv i sjedište ugovornih strana ili privrednih subjekata;
- Predmet ugovora;
- vrijednost ugovora;
- vrijeme i mjesto izvršenja ugovora;
- navode o uredno izvršenim ugovorima.

Ponuđač „ALU WOOD INŽINJERING“ d.o.o. Maglaj je u svojoj ponudi dostavio dvoje potvrde o uspješnoj realizaciji ugovora:

- Potvrda “NINOS” d.o.o. Sarajevo, broj: 34-IV/25 od 30.04.2025. godine, o uspješnoj realizaciji ugovora, obična kopija,
- Potvrda “DINECO” d.o.o. Trebinje, broj: 90-04/25 od 30.04.2025. godine, o uspješnoj realizaciji ugovora, obična kopija.

Potvrde o uspješnoj realizaciji ugovora su dostavljene kao obične kopije, a ne kao original ili ovjerene kopije kako je traženo tačkom 3.3. tenderske dokumentacije.

Također tenderskom dokumentacijom traženo je od ponuđača da je tehnički i profesionalno sposoban za realizaciju predmetnog ugovora i to:

- I. Da ima najmanje 10 lica angažovanih za izvršenje ugovora, najmanje angažovanog jednog diplomiranog inženjera građevine smjer konstrukcije sa položenim stručnim ispitom iz oblasti konstrukcije i najmanje angažovanog jednog diplomiranog inženjera arhitekture sa položenim stručnim ispitom.

U svrhu dokazivanja tehničke i profesionalne sposobnosti ponuđač je dužan dostaviti:

- I. izjavu izvođača radova da ima najmanje 10 lica angažovanih za izvršenje ugovora, najmanje jednog diplomiranog inženjera građevine smjer konstrukcije sa položenim stručnim ispitom iz oblasti konstrukcije i jednog diplomiranog inženjera arhitekture sa položenim stručnim ispitom; (**Aneks IV**).

Potvrdu nadležne institucije da izvođač radova ima stalno uposlenih minimalno 10 lica za izvršenje ugovora i najmanje jednog diplomiranog inženjera građevine smjer konstrukcije sa položenim stručnim ispitom iz oblasti konstrukcije i najmanje jednog diplomiranog inženjera arhitekture sa položenim stručnim ispitom ili ugovore o djelu iz kojeg se vidi da su lica angažovana kod izvođača radova za izvršenje ugovora (ili drugi dokaz), original ili ovjerena kopija.

Ovjerenu kopiju diplome diplomiranog inženjera građevine i arhitekture sa ovjerenim kopijama položenog stručnog ispita za diplomiranog inženjera građevine i arhitekture.

Ponuđač „ALU WOOD INŽINJERING“ d.o.o. Maglaj je dostavio Diplomu više tehničke građevinske škole Subotica, izdata za lice Serhatlić Nesib – građevinski inženjer, ovjerena u Općini Maglaj, dana 30.04.2025. godine, tj. dokaz o završenoj višoj tehničkoj građevinskoj školi gdje je na diplomu naznačeno da je lice steklo zvanje građevinski inženjer što nije u skladu



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

sa tačkom 3.3 tenderske dokumentacije jer se ne radi o završenom fakultetu i stečenom zvanju diplomirani inženjer građevine, **smjer konstrukcije**, kako je traženo tačkom 3.3. tenderske dokumentacije.

Zbog svega navedenog, ponuda ponuđača „ALU WOOD INŽINJERING“ d.o.o. Maglaj ne ispunjava uslove iz tačke 3.3. tenderske dokumentacije zbog čega se ponuda ponuđača odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-7735-2/25

Datum: 07.05.2025. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:


Fuad Kasumović